

BERRI OROKORRAK

2024ko maiatzaren 31n

35. zenbakia

Ekaineko ordutegia

Gogorazten da, ekainaren 3tik 21era HHko (3 eta 6 urte bitarte) eta LHko ikasleek eskolak goizez bakarrik izango dituzte, alegia, 9:00etatik 12:30era arte.



Ikastolaren eguneko egitaraua

10:00: LH1-2-3 jolasak Ikastolan.

11:00 - 12:00: DBHko ikasleek Plastika, Teknologia eta STEM-en egindako proiektuak ikusgai egongo dira Eraikin Gorrian.
11:00-12:00 bitarte ikusteko aukera izango da eta ikasleak beren lanak aurkezten egongo dira.

11:00: LH4-5-6 jolasak Ikastolan.

12:15: DBH jolasak Ikastolan.

13:00: HHko dantza emanaldia (Mikel Laboa Plazan eta txarra egingo balu Ikastolako frontoian).

14:00: Bazkaria frontoian.

Jarraian: DBHko ikasleen musika emanaldia.

Ekainak 7tik 14ra: Haur eskolako argazki erakusketa Sutegin.



Ikastolaren egunerako ekintzak

Ekainaren 7an, Hitz-Aho guraso elkarteak antolatuta, 17:00etatik aurrera txokolate-jana eta 18:00etatik aurrera DJ Mendi izango dira Askatasuna Plazan.

Guraso elkarteak



Jangela zerbitzua

Hona hemen ekainean jangelako bazkaldarrek izango duten [menua](#).

Gogoratu, ekainean txanda bakarrean bazkaltzen dutela.



Oharra

Ageri Aldeko eraikinaren inguruan aparkatutako kotxeetan lapurretak izan direla jakinarazi digute. Udaltzainak jakinaren gainean dauden arren, kotxeetan baliozko gauzarik ez uzteko aholkatzen dizuegu.



HAUR-HEZKUNTZA

Ikastola-eguna

Dakizuen bezala, **ekainaren 8an** Ikastolaren eguna ospatuko dugu. Egun horretan eguerdiko **13:00etan** HHkook gure **emanaldia eskainiko dugu Mikel**

Laboa plazan.

Haurrak 12:45ean jasoko ditugu herriko gunehaetan:

- o HH 3koak: Mikel Laboa plazan, inmobiliaria ondoan.
- o HH 4koak: Laboral kutxaaren ondoan.
- o HH 5koak: Kutxabanken ondoan.



Egun horretan **haurrak honela jantzita** ekarri behar dituzue:

- o HH 3koak: goiko txuria eta baserritar zapi koadroduna.
- o HH 4koak: kolore batez jantzita: grisez, marroiz, txuriz edo beltzez (gogoratu aurrez diadema bat ekartzea gelara belarriak egiteko)
- o HH 5ekoak: kamiseta tiradun txuria, alkondara koadroduna eta galtza ilunak.

Zalantzarik baduzue, tutoreei galdetu.

*Eguraldi txarra egingo balu ikastolako frontoian egingo genuke gure emanaldia eta haurrak gure geletan bertan jasoko genituzke.

Baso-eskola

Baso-eskolako saioak amaitu ditugu. Hori horrela izanda, eskertuko genizueke jantziak ondo garbituta, lehortuta eta poltsa batean sartuta tutoreari egun hauetan itzultzea:



- HH3: ekainaren 4an, asteartea.
- HH4: ekainaren 6an, osteguna
- HH5: ekainaren 5ean, asteazkena

Zuen seme-alaben jantzia puskatuta baldin badago, jakinarazi irakasleari mesedez!

LEHEN HEZKUNTZA

LH 2ko ikasleen irteera

Datorren astean, **ekainak 4 eta 5**, LH 2ko ikasleek **ikasturte amaierako irteera** egingo dugu **Txurrukara**.

Asteazkenean, arratsaldeko 16:00etarako ikastolan izango gara bueltan.



Irteera-kobrantzak

☐ LH3

Gaur, maiatzak 31, **LH3-koen** kurtso amaierako irteeraren 3. kobrantza egingo da. Kostua **33,60 €**-koa da eta honela banatzen da:

- o Irrisarriland-era autobusa: 16,60 €
- o Egonaldia: 77,00 €
- o Aurrez ordaindua: 60,00 €



☐ LH1

Ekainaren 10ean, **LH1-ekoek** Oriora egindako irteeraren kobrantza egingo da. Denera **8,50 €** izango da.

LH 4ko familiei zuzenduta: LIBURUTRUK 2024/2025

ZER DA LIBURUTRUK?

Sistema honen helbururik nagusia testu-liburuak ahal den ikasturte gehienetan berrerabiltzea da. Hitz Aho Guraso Elkartea eta Ikastolaren artean koordinatuz egiten da. Ikastola liburuak eskatu, familiei kobratu eta ekaineko azken egunean liburuak jasotzeaz arduratzen da. Bestetik, Hitz Aho Guraso Elkartea liburuak sailkatzeaz arduratzen da. Sistema hau erabiltzeko arrazoiak:

Guraso elkartea



- 1- Seme-alaben heziketa hobetzea: zenbait balore garatzen lagunduko diegu; besteekiko elkartasuna, guztien gauzak zaintzeko joera, komunitatearekiko lotura, kontsumo arduratsua eta inguruarekiko errespetua,...
- 2- Ekonomikoa: parte hartzen duten familiek liburuetan gutxiago gastatuko dute. Berrerabilgarriak diren liburuen zati bat ordaintzen delako.
- 3- Ekologikoa: liburuak berrerabiltzeak paperaren kontsumoa eta sortutako zaborra gutxitzen du.

Sistema hau LH5. mailatik gorako ikasleentzat da. Beraz, **ikasturte honetan LH4. mailan dagoen norbaitek ez balu parte hartu nahi, usurbil@ikastola.eus helbidera mezua idatzi beharko luke. Horretarako epea GAUR amaitzen da. Gainontzeko mailetakoen kasuan, mezua aldaketarik balego soilik idatziko lukete.**

Gogoratu, behin Liburutruken sartuz gero ezingo dela irten, bestela, ordura arte baliatutako hobarien itzulketara egin beharko litzaioke ikastolari.

Antolaketa horren baitan, hurrengo ikasturteen amaieran, liburuak Ikastolan utzi beharko dituzue eta hurrengo ikasturteetako liburuak eskuratzeaz Ikastola eta HITZ-AHO arduratuko dira.

Ekainaren 14rako parte hartuko ez duela adierazten ez duen familia guztiei, **60 €ko fidantza** kobratuko zaie ekainaren 16an eta gerora ez zaie bueltatuko, ez duela parte hartu nahi esaten badu ere.

Ikastolaren egunerako lantaldeak

Ikastolaren eguna antolatzen ari garen honetan, lantaldeak oraindik osatu gabe daude eta zuengana jotzen dugu laguntza eske. [Galdetegi](#) honen bitartez, betetzeko geratzen diren lau lantaldeetako batean izena ematera gonbidatzen zaituztegu.

Mila esker.



Ikastola eguneko jolasak

Dakizuen bezala, hurrengo larunbatean, hilak 8, ikastola eguna ospatzen dugu. Goizean zehar ikasleen jolasak izango ditugu. Ikasleek ikastolako sarrera nagusira (errepide aldera) agertu beharko dute ondorengo orduan:

1, 2 eta 3.mailako ikasleak 9:45etan sarreran.

4, 5 eta 6.mailako ikasleak 11:00etan sarreran.

1, 2 eta 3. mailako ikasleak amaitzean, **11:00etan kiroldegi aurrean** jasoko dituzue.



Sexu-heziketa

LH5eko eta LH 6ko ikasleek jaso duten Sexu-heziketako ikastaroa dela eta, LH5 eta LH6ko gurasoei saio bat eskainiko zaizue gai horren inguruan ikasleekin joratu dena azaltzeko. Bertan, guraso bezala dituzuen kezkak aditu bati azaldu edota galdetzeko aukera ere izango duzue.



Data: Ekainak 13, osteguna

Ordua: 16:00

Lekua: Agerialdeko 2. solairuan

Etortzeko asmoa izango bazenute eman izena **Ekainak 7 ostirala baino lehen:**

<https://forms.gle/5YmVLyXRt1rrQ8K38>

LH 6ko ikasleei zuzendutako tailerra

Datorren astean LH6koek "Bagoaz" izeneko tailerra jasoko dute UEMAko teknikariaren eskutik. Etapa berrian, DBHn, euskaraz modu kontzientean jarraitzeko hausnarketa egingo dute bertan.



DBH 4ko ikasleei zuzendutako informazioa

DBH4. maila bukatzen duten ikasleek Chromebooka erosteko aukera izango dute 30 € gehiagoren truke. Hala egin nahi ez duenak, ikastolan itzul dezake eta hasieran jarritako fidantza bueltatuko zaio. Itzuli ahal izateko, gogoratu, hitzarmenean sinaturikoa, hau da, gailuak egoera onean egon behar duela; ez da pegatinarik, markarik,... onartuko; pantailak, teklatuak, bisagrek,... egoera onean egon behar dute. Ikastolan itzultzea erabakitzen baduzue, **ekainaren 18an dena gainditu dutenak eta ohikoetara doazenak ekainaren 20an, IKT departamenduan erakutsi beharko du gailua eta kargadorea horien egoera egiaztatzeko.**



Mesedez, [galdetegia](#) bete **ekainaren 14a** baino lehen zer egin behar duzuen jakiteko.

DBH 2ko gurasoei zuzendutako oharra

Hona hemen Jon Etxaberen oharra, lantzen ari den harremanen inguruko lanari jarraipena emateko:

Kaixo guztioi,

Hasteko, eskerrak eman nahi dizkizuet aurreko informatze-saioan izandako jarreragatik eta gerora zuen iritzia partekatzerantz gerturatu zineten eta zareten gurasoei.

Bertan esan bezala, elkarteratzea egiteko data-proposamen batekin natorkizue. Ekainaren 1ean ez egiteko eskatu zidan jende askok, beraz, datorren **ekainaren 7an, ostiralean, Potxoenean bilduko gara 17:00etatik aurrera (gehienez 20:00ak arte).**

Helburua egungo errealitatearen erradiografia bat egitea da, atzean dagoena aztertzea eta "tip" edo aholku batzuk jasotzea zuen seme-alabekin gaia lantzeko.

Saioa ahalik eta ondoen antolatzeke, eskertuko nizueke info@adlibidum.eus helbidera bazatoztela esanez korreo bat bidaltzea. Bide batez, egoeraren inguruan duzuen perzeptzioa edota nik lantzeko gai edo "anekdotaren" bat mahai gainean jarri nahi izanez gero ere bertan adieraztea eskertuko nizueke.

Gogoratu etortzeko ezinbestekoa dela zuen seme edo alabarekin elkarriketa serio bat mantentzea gaiaren inguruan, gauzak gerora jakiten badituzue mingarriagoa izan daiteke-eta.

Eskerrik asko zuen seme-alaben hezkuntzaz arduratzeagatik. Jon Etxabe



HABEren dirulaguntza berezia 16-18 urteko gazteentzat

Joan den urtean HABEk dirulaguntza lerro berezia sortu zuen 16-18 urte bitarteko gazteek B2 edo C1 maila eskura zezaten. Hari esker, adin horretako herritarrek, ikasleak izan edo ez, 20 euroren truke ikasturte osoa egin ahal izan dute; eskatu zen baldintza bakarra asistentziaren %75 betetzea izan zen. Datorren ikasturteari begira ere, HABEk laguntza berarekin jarraituko duela aurreikusi du, beraz, interesa baduzue edo informazio zabalagoa nahi baduzue, deitu edo idatzi Usurbilgo Etumeta AEK euskaltegira (607609379 edo usurbil@æk.eus).

